


682

AWIG - AWIG DESA PAKRAMAN TARUKAN



DESA PEJENG KAJA
KECAMATAN TAMPAKSIRING
KABUPATEN GIANYAR
2002

PIDAGING
MAKA BANTANG AWIG-AWIG DESA PAKRAMAN TARUKAN
MURDDHA CITTA

WIDANG

PRATHAMA SARGAH	ARAN LAN WAWIDANGAN DESA	1
DWITYA SARGAH	PATITIS LAN PAMIKUKUH	2
TRITYA SARGAH	SUKERTA TATA PAKRAMAN	3
	Palet 1 Indik Krama	3
	Palet 2 Indik Prajuru / Pengelingsir	7
	Palet 3 Indik Kulkul	10
	Palet 4 Indik Paruman	11
	Palet 5 Indik Druwen Desa	12
	Palet 6 Indik Pamatigep	14
	Kaping 1 Karang, Tegal lan Carik	14
	Kaping 2 Papayonan	15
	Kaping 3 Wewangunan	16
	Kaping 4 Wewalungan	16
	Kaping 5 Bhaya	17
	Kaping 6 Panyanggran Banjar	19
CATUR SARGAH	SUKERTA TATA AGAMA	19
	Palet 1 Indik Dewa Yadnya	19
	Palet 2 Indik Rsi Yadnya	23
	Palet 3 Indik Pitra Yadnya	24
	Palet 4 Indik Manusa Yadnya	31
	Palet 5 Indik Bhuta Yadnya	32
PANCAMA SARGAH	SUKERTA TATA PAWONGAN	34
	Palet 1 Indik Pawiwahan	34
	Palet 2 Indik Nyapian	37
	Palet 3 Indik Sentana	38
	Palet 4 Indik Warisan	40

SAT SARGAH	WICARA LAN PAMIDANDA	43
	Palet 1 Indik Wicara	43
	Palet 2 Indik Pamidanda	44
SAPTAMA SARGAH	NGUWAH-NGUWAHIN AWIG-AWIG	46
ASTAMA SARGAH	S A M A P T A	47

MURDHA CITTA

Om Awighnamastu Nama Siddam.

Melarapan panghyangning Ida Sang Hyang Widhi Wasa, asung kerta nugraha ngawentenang kahuripan sekala niskala, ring Bhuwana Agung lan Bhuwana Alit. Manut dresta desane wantah pawakan pasayuban krama Desa rawuhing kula warga pawonganya. Desane kemanggehang Bhuwana Agung, pawonganya sowang-sowang pinaka Bhuwana Alit.

Sotanin Bhuwana Agung desane wantah pawakan Bhawa maurip, jangkep saha Tri Hita Karananya, luwire :

- ha. Parhyangan, sahananing kahyangan, panyiwian desa genah ngarcana Ida Hyang maka jiwaan desane;
- na. Pawongan, krama saha warga desa maka sami pawakan Bayu Pramana (Tri Kaya) mawinan desane sida molah maprawerti.
- ca. Palemahan, tanah kakuwuban desa, sinanggeh stule sariraning desane;

Adung patemon bhuwana kalih, larapan santa jagadhita, sinanggeh murdhaning prayojana pangriptaning Awig-awig Desa Pakraman.

Pamutus sabha inucap pinaka sepat siku-siku pamatut, wastu prasida prayojanan mami kabeh prasama anghidep muwah amagehaken kadi linging Awig-awig iki.

PRATHAMAS SARGAH ARAN LAN WAWIDANGAN DESA

Pawos 1

- (1). Desa Pakraman puniki mawasta Desa Pakraman Tarukan
- (2). Jebar kakuwuban wawidangannya mawates nyatur :
 - ha. Sisih Wetan ring Desa Pakraman Cagaan;
 - na. Sisih kulon ring Desa Pakraman Melayang;

- ca. Sisih Lor ring Desa Pakraman Belusung;
- ra. Sisih Kidul ring Desa Pakraman Pedapdapan;

(3) Desa Pakraman puniki kawangun antuk karang ayahan Desa muah karang gunakaya kaepah dados 3 (tiga) tempek luwire :

- ha. Tempek Tarukan Kaja
- na. Tempek Tarukan Tengah
- ca. Tempek Tarukan Kelod

**DWITYAS SARGAH
PATITIS LAN PAMIKUKUH**

Pawos 2

Desa Pakraman Tarukan ngamanggehang pamikukuh minakadi :

- ha. Pancasila ;
- na. Undang-undang Dasar 1945 pamekas Pasal 18;
- ca. Perda Propinsi Daerah Tingkat I Bali sane kamanggehan.
- ra. Tri Hita Karana manut sada cara Agama Hindu;

Pawos 3

Luwir Patitis Desa Pakraman Tarukan

- ha. Ngukuhang miwah ngrajegang Sang Hyang Agama;
- na. Nginggilang tata prawertine maagama;
- ca. Ngrajegang kasukertan Desa saha Pawongannya sakala lawan niskala.

TRITYAS SARGAH
SUKERTA TATA PAKRAMA

Palet 1

Indik Krama

Pawos 4

- (1). Sane kabawos Krama Desa Pakraman Tarukan inggih punika kulawarga sane maagama Hindu saha ngamong karang utawi karang gunakaya utawi jenek mapaumahan ring sawidangan desa Pakraman Tarukan.
- (2). Sajaba punika sinanggeh tamiyu, sane kabinayang dados kalih inggih punika sane maagama Hindu, miwah siwosan ring maagama Hindu.
- (3). Indik Tamiyu punika manut pararem.

Pawos 5

Krama Desa Pakraman Tarukan wenten 4 (petang) pawos, luwire :

- ha. Krama pengarep, kuwub kulawarga sane wed karang ayahan Desa utawi karang gunakaya Aplabahan;
- na. Krama /nekel inggih punika kulawarga sane madruwe /polih utawi madruwe karang, kari masikian ring tunggilannya.
- ca. Krama balu inggih punika krama Desa sane katinggal lina olih lanang utawi istri nyane, utawi sangkaning nyapihan, krama balu inucap kabinayang dados :
 - 1). Balu makrambian, inggih punika balu sane maduwe sentana dereng marabian utawi dereng antes ngayah.
 - 2). Balu ngalisting, inggih punika balu sane tanpa santana.

- ca. Krama – tapukan, kulawarga manut aksara ha ring ajeng sakawanten durung antes nganyah utawi salami kantung masekolah malarapan ilikita pastika saking sekolahnya. manut pararem.

Pawos 6

Ngawit dados Krama Desa utawi banjar :

- ha. Sangkaning ngamong karang, jenek mapaumahan sejeroning pelemahan Desa Pakraman Tarukan utawi manut pararem.
- na. Mawiwit pawiwahan.

Pawos 7

Panamaya tedun makrama Desa utawi banjar :

- ha. Malarapan antuk pawiwahan ngawit tileming sasih ka 6 (nem) langkung punika wenang tedun ring tileming sasih ka 6 (nem) warsa sane rawuh.
- na. Malarapan antuk ngarereh pangupa jiwa tur jemenek mapaumahan ring pelemahan Desa Pakraman Tarukan masengker tigang sasih.
- ca. Kulawarga Desa tiyosan nunas tedun makrama saha ilikita pastika maka sarana risampun supeksa ring prajuru Desa, tur kakening batu –batu manut pararem krama.

Pawos 8

Krama Desa utawi banjar keni ayah-ayahan lan tategenan luwire :

- ha. Krama pangarep utawi nikel keni ayah muang papeson saungkul;
- na. Krama tapukan pengarep ngantos mayusa 17 warsa luput ayah, daging tetep. Yaning kantung masekolah, katur kaluputang ayah-ayahannya, mararapan ilikita pastika saking sekolahnya.
- ca. Krama penekel sane balu mawali ring tunggilnya. ayah miwah papeson luput.
- ra. Ayah balu keni urunan saungkul, ayah-ayah manut kawentenan balu inucap;
- ka. Krama nekel balu luput ayah miwah papesowan.
- da. Luput ayah yaning ngaruruh pawikan (brahmacari);
- ta. Prade rikalaning ngayah wenten sinalih tunggil Krama matilar tanpa sadok sadereng puput karya, wenang Krama inucap keni pemedanda manut pararem, tanjek laler kawastanin.

Pawos 9

Swadharman Krama Desa utawi Krama Banjar luwire :

- ha. Tinut saturut ring sedaging Awig-awig pararem lan paswasran Desa :
- na. Sareng ngutsahayang mangda Desane mrasidhayang nyujur manut patitis;
- ca. Tinut saturut ring Guru Wisesa;

Pawos 10

Swadharman Tamiyu, luwire :

- ha. Tinut saturut ring yasa kertin Desane ;
- na. Tan tiwal ring sedaging Awig-awig, pararem lan paswaran Desa ;
- ca. Nyadokang raga ring Prajuru arahina sesampun jumenek malarapan antuk ilikita pastika saking desane utawi sang ngawawenang ;
- ra. Yan tan tinut pacang kesepekan utawi jantos kanoroyang.

Pawos 11

Pilih-olihan Krama :

- ha. Polih pasayuban sakala niskala tur kabawosin saha katiwakin pamutus sahanan wicaranya.
- na. Nyarengin paruman tur wenang sareng mastikayang pamutus ;
- ca. Kadadosang madeg Prajuru, manut pararem.

Pawos 12

Krama Desa Pakraman kadadosang :

- ha. Mapoangkid utawi tan tedun :
 - 1). Rikala mapawangun ngeraabin, mayadnya, matepetin rare, sungkan, kaluasan, lan siyosan punika ;
 - 2). Kengin tempo wantah apisan, sajawanin wenten wak-wakan saking Prajuru Desa.
- na. Nyada mapiteges ngarnademang ayah, risampun mayusa 70 warsa, utawi sangkaning sungkan – sungkanan, tur tan dados nyuksukin, sang nyada mangda di gelis (sajeroning awarsa) mangda nyantenang panyeledihi ;
- ca. Nyade, utawi nyuksukin, sane kawenangang risampun manggeh deha – teruna sawetara 17 warsa sane lanang miwah 16 warsa sane istri marasidayang nganutin krama ;
- ra. Mopog ngetut ayah antuk arta brana manut pararem saantukan kajudi olih sang mawangrat, wiadin malaluasan sakirangnya 6 (nem) sasih, indik papeson wewangunan saungkul, utawi piodalan ring kayangan tiga manut pararem.

Pawos 13

Wusan dados Krama Desa utawi Banjar, luwire :

ha. Sangkaning :

- 1). Pinunas ngaraga, manawi kesah kadura Desa utawi ngalangkungin sagara ;
- 2). Kanorayang, duaning sampun tan prasida ngesehin solah maprawerti satata nguwug pamargin Awig-awig.
- 3). Wusan makrama desa mapiteges taler wusan makrama banjar utawi wusan makrama banjar mapiteges wusan makrama desa, mangda sampunang kasinanggeh empak ngalanting ;

na. Sang wusan makrama :

- 1). Patut ngaturang karang ayahan ka Desa prade karang punika karang desa ;
- 2). Tan polih pah-pahan saking padruweyan Desa sejawanin pahpahan padruwen ring tempekan manut pararem.
- 3). Tan polih pasayuban sajeronin ala ayu ;
- 4). Sang wusan makrama desa /Banjar prade mawali malih patut nawur saurah arih tategenan krama manut pararem.

ca. Sang wusan sangkanin kanorayang, prada mawali malih patut :

- 1). Muntasang saluwir pamidanda utawi tetegenan sane ngranayang kanorayang ;
- 2). Nunas geng pengampura ring paruman desa madurulan panyangaskara panyapsap kaiwangan dwaning nguwak pasubaya pecak.

Palet 2

Prajuru Lan Pengelingsir

Pawos 14

- (1). Desa Pakraman Tarukan kaentar olih Bendesa.
- (2). Banjar kaenter olih Kelian Banjar

- (3). Tempekan kaenter olih Klian Tempekan
- (4). Bendesa lan Klian Banjar patut :
- ha. mawiwit saking krama wed kajangkepin antuk :
- 1). uning ring aksara latin utawi Bali.
 - 2). uning ring tata titining mawa desa.
 - 3). uning ring pariindik Agama lan Pakraman.
 - 4). lascarya ngayah tur madruwe parilaksana sane rahayu.
- na. Kaadegang malarapan antuk kacatri olih parumannya soang-soang nyabran 5 (limang) warsa, sajawaning wenten pariindik tios, tur dados kacatri malih apisan (5 warsa)..
- ca. Maduluran Dewa saksi ring Pura Kahyangan Tiga.

Pawos 15

- (1). Bendesa kasanggra olih :
- ha. Petajuh utawi Pangliman pinaka wakilnya ;
- na. Penyarikan pinaka juru surat ;
- ca. Patengan utawi juru raksa pinaka pangamong druwen Desa ;
- ra. Kasinoman pinaka juru arah.
- (2). Banjar Dinas kaenter olih :
- ha. Klian Banjar pinaka ulunya ;
- na. Panyarikan pinaka juru surat ;
- ca. Patengen utawi juru raksa ;
- ra. Kasinoman pinaka juru arah;
- (3). Kasinoman akehnya manut kawigunan saha magilir manut pararem.
- (4). Sajeroning ngenterang kasukertan niskala, Bendesa lan Klian Banjar mingsinggihang Pemangku Kahyangan Desa utawi sang Rumaga Sulinggih.
- (5). Ring Pura Kahyangan Tiga patut kawentenang juru sapuh.
- (6). Ring Desa Pakraman patut kemanggehan pecalang manut pararem.

Pawos 16

- (1). Swadharmaning Bendesa luwire :
- ha. ngenterang pemargin sedaging awig-awig miwah pararem Desa ;
 - na. nuntun tur ngenterang krama rawuhing warga Desa sami ngupadi manut patitis;
 - ca. mawosin kalih niwakang pamutus arep ring wicara warga Desa ;
 - ra. maka dutta Desa matemuang bawos ring sapa sira ugi.
- (2). Prade Prajuru iwang plaksana wenang :
- ha. kawisang dados prajuru tan wenang kayudi malih ;
 - na. keni danda manut kaiwangannya, agung alit pamidanda manut pararem.
 - ca. kawusang dados prajuru mangda sajeroning paruman tur kasungkeming olih krama banjar.
- (3). Prajuru sane wusan amongannyane kasangga olih prajuru sane tiyosan manut pararem.

Pawos 17

Patias utawi olih-olihan Prajuru Desa, luwire :

- ha. Bendesa muah penyanggrannya ;
 - 1). luput papeson Piodalan Kahyangan Tiga ;
 - 2). polih 2 (dua) tanding ;
 - 3). upon carik manut pararem ;
 - 4). patias sewosan manut pararem ;
- na. Klian Banjar muwah panyanggrannya luput papeson manut pararem ;

Pawos 18

- (1). Prajuru Desa kegentosin riantakan :
- ha. s e d a
 - na. kanorayang dwaning iwang pamunggi utawi nilai sesana ;
 - ca. wit saling pakayun utawi pinunas ngaraga ;
 - ra. sampun puput sangker ;

- (2). Nganorayang utawi ngentosin Prajuru patut sejeroning paruman tur kaingkipun olih Krama Desa.
- (3). Prajuru sane sampun telas sengkernya wenang ngemargiang swadarmaning prajuru yaning pengentosne dereng nunas pamrayascitan ring Kayangan.

Palet 3
Indik Kukul
Pawos 19

- (1). Kukul ring Desa Pakraman Tarukan Iuwire :
- ha. Kukul ring Kahyangan ;
 - na. Kukul Desa ;
 - ca. Kukul Banjar : Tempekan
 - ra. Kukul Sekaa – sekaa.
- (2). Tabuh tatepakan kukul ring Kahyangan Desa :
- ha. nungtit / silih asih, tengeran wenten Yadnya /Upacara ;
 - na. tulud lambat, tengeran tedun ngayah ;
 - ca. bulus, tengeran wenten bhaya.
- (3). Tabuh tatepakan kukul ring soang-soang bedanjaran :
- ha. Bulus
 - 1). atulud bulus , tengeran kageni bhaya ;
 - 2). 2 (kalih) tulud bulus, tengeran kapundungan (artha bhaya)
 - 3). 3 (tigang) klentungan panjang, tengeran lindu, er, lan pawana bhaya ;
 - na. Lambat :
 - 1). 2 (kalih) tulud lambat, tengeran tedun ngayah utawi wenten pakarya ;
 - 2). nungtit silih asih tengeran surya grehana, bulan kepangan.
 - ca. Klentungan :
 - 1). 7 (pitung) klentungan, tengeran ranc embas ;
 - 2). 5 (limang) klentungan, tengeran pawiwahan ;
 - 3). 3 (tigang) klentungan, tengeran kalayu sekatan ;

- 4). 3 (tigang) kelentungan ngempang panjang, tengeran ngawangdeang karya :

Pawos 20

- (1). Kukul Desa utawi Banjar tan wenang katepak yening tan sangkaning pituduh prajuru Desa/ Banjar sajawaning tengeran bhaya ;
- (2). Sang nepak tan sangkaning pituduh, patut digelis atur supeksa maka buatan panepake, yan tan sapunika wenang sang mamurug kadanda manut pararem.
- (3). Kukul sekaa-sekaa semaliha kukul pondokan-pondokan tan kalugra nyawerin (matehin) sukat utawi tengeran kukul Desa/Banjar sajawaning tengeran bhaya, prade mawurung taler kadanda manut pararem.

Palet 4

Indik Paruman

Pawos 21

- (1). Paruman / sangkepan ring Desa Pakraman Tarukan wenten :
- ha. Paruman Desa / Banjar, kawentenang :
- 1). nyabran ngasasih, maka cihna tanpa arah-arah, dwaning sampun tetep panamaya manut pararem ;
- 2). napkala (padgata kala) maka jalaran arah-arah manut tatujon.
- na) Sangkep prajurudesa, kawentenang manut wiguna ;
- ca. Paruman sekaa-sekaa manut pabuat.
- (2). Paruman Desa utawi Banjar madudonan sakadi ring sor :
- ha. prasida lumaksana risampun katedunin olih sang patut ngamiletin, kamanggala antuk tengeran kukul miwah mabusana adat madya , saha tan kalurga makta gegawan sakaluwire, tan maren ngarcana ring Ida Bhagawan Panyarikan maka sarana Widhi Widana cane ;
- na. maka sarana janggi/pangawit kelaksanayang panyacak sepsepan saha riwusannya nyacak, ngetang dadosan gung alit manut pararem ;

- ca. tan keluarga ngawetuang suwara gora utawi byota, yan wenten asapunika keni pamidanda beya pacamil kadi dandaning nguman –uman ring sabha.
- ra. pamutus bebawos beriuk sapanggul (ingkup) punika kamanggehang
- (3). Prade pidaging paruman tan kaingkupin mangda Prajuru Desa ngilikang bebawos, saha pamutusnya mangda kararemin olih Krama Desa. bilih tan prasida kasungkemin jantos ping tiga Prajuru wenang nunas bawos ring Sang Ngawa Wenang.

Pawos 22

- (1) Sajeroning paruman Desa, Bendesa patut nyobyahang pamargin ngenterang Desa. pamekas nganinin indik :
- ha. munjuk lungsuring pakraman saha ayah-ayah, sulur arta brana, druwen Desa :
- na. rarincikan Prajuru nganinin usaha Desa Kapungkur.
- (2). Pamutus paruman Desa sinanggeh pararem maka pamitegep daging Awig-awig.

Pawos 23

- (1). Sangkepan Prajuru Desa kawenangang wantah ngarincikang pangerencana usaha Desa kapungkur.
- (2). Sangkepan Prajuru Desa tan kawenang ngawedalang tetegenan ring Krama sadereng kaingkupin olih krama Desa ring paruman.
- (3). Pamutus sangkepan Prajuru Desa ngawetuang pasuwara, maka pidaging pituduh sang Ngawawenang utawi ngonekang pecak pararem krama desa.
- (4). Paruman sekaa teruna patut :
- ha. atur piuning ring prajuru Desa utawi Bajar
- na. sahanan pamutus tan wenang tiwal ring awig-awig desa utawi banjar
- ca. pamutus paruman kuningayang ring prajuru
- ra. kawentenan paruman manut kawigunan.

Palet 5

Indik Druwen Desa

Pawos 24

Padruen Desa Pakraman Tarukan sakadi ring sor :

na. Kahyangan Desa luwire :

- 1). Kahyangan Tiga : Pura Desa lan Bale Agung, Pura Puseh, Pura Dalem, lan Praja Pati.
- 2). Pura Dalem Nataran Ketut.
- 3). Pura Pamijilan.
- 4). Pura Melanting
 - Balai Banjar
 - Balai Kulkul

na. Wantilan Desa ;

ca. Tanah tegalan (manut ilikita) ;

ra. Karang ayahan Desa ;

ka. Setra ;

da. Palaba Pura, carik /tegal (manut ilikita)

ta. Lelanguan, makadi tetabuhan lan ilen-ilen padruwen Desa/bebanjaran luwire :

- 1). Gong abarung
- 2). Angklung
- 3). Selip /penyosohan beras
- 4). Ilen-ilen wali Pura : Barong Ketet, Rejang, Pendet ;
- 5). Muwah padruwen tiyosan.

sa. Nyasa, sasanthi

wa. Lembaga Perkreditan Desa (LPD)

Pawos 25

Pioli-olihan Desa Pakraman Tarukan luwire :

ha. Pioli-olihan saking palaba Pura ;

na. Urunan Krama Desa Pakraman ;

ra. Paica-paica sane tiyosan, sane patut ;

ka. Usaha Desa Pakraman.

Pawos 26

- (1). Prajuru / Dulun Desa wenang ngetangang pamupon laba Pura lan sapanunggalan druwen Desa ;
- (2). Pikolih lan pamuponnya kaanggen prabeya piodalan saha wewangunan ring pura miwah anggen kabuatan Desa Pakraman.
- (3). Nyabran pasangkepan Desa, Prajuru Desa pangamong druwe desa nguningayang pariindik munjuk lungsuring padruwean ring Krama Desa ;
- (4). Sakaluwiring druwen Desa, patut wenten ilikitannya ;
- (5). Tan kalugra ngadol utawi ngesahang padruweyan Desa yan tan kasungkemin olih Krama Desa ring paruman.

Palet 6

Sukertan Pamitegep

Kaping 1

Karang, Tegal lan Carik

Pawos 27

- (1). Krama Desa pangamong karang Desa utawi gunakaya patut ngawatesin karang inucap antuk tombak utawi pagehan mangda pakantenannya asri.
- (2). Wates sisi kaler miwah kangin patut kakaryanin olih sang ngamong karang ayahan inucap, sane mawasta gegaleng kaluan, sawawaning tanah pecatu, tegal, carik utawi tanah padruweyan ngaraga, sane kapiara watese sisi kelod miwah kauh utawi manut drestha reh punika mawasta gegaleng kateben.
- (3). Prada karasayang pagehan/turus inucap ngalikadin, yan pada arsa panyandinge, kengin watese nganggen pinget kawanten, kasaksinin olih Prajuru Desa utawi pracihna pal saking Sang Ngawawenang.
- (4). Prade wenten karang kabebeng /embet mangda kautsahayang wenten pamarginnya, manut paigum lan pararem.

Pawos 28

- (1). Sinalih tunggil Krama Desa/Banjar tan kalugra :

- ha. Ngalah-alah margi, tegal ayahan Desa, karang Desa, lan sapanunggalannya ;
na. Ngalah-alah tanah linggih kahyangan, tegak setra, lan sakancan linggih sinanggeh suci.

- (2). Prade wenten sakadi ring ajeng, sang ngalalah wenang ngawaliang tanah inucap saha keni pamidanda manut pararem kadulurin upakara prada ngalalah tanah suci.

Kaping 2

P e p a y o n a n

Pawos 29

- (1). Ngawit nandur pepayonan tanem tuwuh patut adepa agung (1,5 meter) ngajeroang saking wates, prada jantos ngaliwat wates wenang kasepat gantungin.
- (2). Yening wenten tatanduran ngungkulin, samaliha mawastu mayanin kapisaga patut kawara antuk paiguman ping ajeng mangda prasida sang nruwenang wit ngarebah utawi notor.
- (3). Prade sampun kawara taler tan wenten usaha sang nruwenang wit, sang rumasa katetehan /kajerihan wenang masadok ring prajuru Desa tur risampun kaparitas kalugra mademang wit inucap, sakawanten patin pepayonan patut katawur manut pangeloika sane nepasin.
- (4). Sang keni pamidanda panyangaskara saha prabeya manut pararem arep ring wewangunan sang karubuhin, luwire ;
ha. Sang nruwenang wit sinanggeh mayanin, prade pungkut ngarubuhin wewangunan krama tiyos ;
na. Sang notor, munggul utawi ngarebah taru tur ngarubuhin krama tiyos.
- (5). Prada wenten wit metik sajeronin wates patut kapademang, mangda tan ngranayang wicara. Prade sampun ageng kapademang , wit punika pinara tiga :
ha. apah tiga katur ring sang nruwenang wit.

- na. apah tiga katur ring sang penyandingnya.
- ca. apah tiga katur ring Desa Pakraman

(6). Krama Desa patut ngambanggehang kawerdian tanem tuwuh sane ngawinang Desane asri.

Kaping 3

Wewangunan

Pawos 30

(1). Nyabran ngawangun patut :

- ha. masadok ring Prajuru, ping ajeng prada wewangunan nganinin wates ;
- na. ngangge sukat asta bhumi miwah gagulak asta kosala-kosali, sanistane manut ring patitis niskala ;
- ca. tan nyayubin kapisaga.
- ra. tan dados ngembahang toya wit saking jempeng/ W.C, miwah blengbeng/bada ka pisage.

(2). Prade wewangunan jantos nyayubin bilih-bilih temboke ring telengin wates, risampun kawara tur kasadokang ring Prajuru, wenang kadanda manut pararem saha tembok inucap kagubar utawi sanistane mangda kakaryanang abangan.

Kaping 4

Wewalungan

Pawos 31

(1). Warga Desa sane mamiara wewalungan patut sayaga nitenin negul/ngalogor mangda tan ngarusak karang utawi pabianan Krama sewos, bilih-bilih jantos ngeranjing ngaletihin Kahyangan.

- (2). Prade wenten wewalungan malumbar utawi ngeleb ngarusak pakarangan/pabianan Krama sewos, risampun kawara dados kataban tur kadanda ngawaliang wit sane karusak saha nawur penebas papiaran tetabanan, manut pengeloikan Prajuru Desa.
- (3). Prade jantos ngaletihin linggih suci, minakadi Pamrajan, risampun kaparitas olih Prajuru wenang sang nruwenang kadanda mabuhu agung (caru eka sata, maduluran tebasan prayascita durmanggala), prada ngaletihin Kahyangan Desa utawi Pura Pamaksan, wenang nyaronin antuk Panca sata makerep itik belang kalung.
- (4). Krama desa patut nyanggra wewalungan miwah sarwa prani, tan kapatutang ngamademang paksi, nuba ulam, miwah sane sewosan, Prade wenten malaksana sakadi punika keni pamidanda manut pararem tur kaaturang ring sang Ngawawenang.
- (5). Krama Desa Pakraman Tarukan tan kalugra ngangon ring :
- ha. palemahan Pura Khayangan Desa miwah genah suci sane siyosan ;
 - na. punden sane wenten pantunnya ;
 - ca. carik sane madaging pamulan kirang ring asasih ;
 - ra. tepining margi ageng .
- (6). Sang Sane mamurug kadi ring angka (3) wenang kadanda manut pararem desa/banjar subak saha madulurin pacaruan ring genah suci.
- (7). Yening ngubuh wewalungan langkungan ring limang ukud, wewalungan suku pat sajeronin pakarangan wenang nunas ilikita ring sang ngawenang.

Kaping 5

B h a y a

Pawos 32

- (1). Periindik bhaya, luwire : Jiwa bhaya, artha bhaya (kapandangan), geni baya miwah dura cara ring Agama.
- (2). Sang manggihin kahanan jiwa bhaya, patut nepak kulkul bulus mapitulung manut pawos 19 (3) aksara ha..
- (3). Prade ring Desa kahanan jiwa bhaya, patut Desane ngaturang Bhuta Yadnya, tur sang mayanin kaaturang ring Sang Ngawawenang.
- (4). Prade wenten jatma mamisuh utawi nguman-uman jadma tiyos, kakenanin pamidanda beya pacamil maduluran tebasan prascita.
- (5). Yening wenten jatma majengilan ring bale Banjar, ring Pura, utawi ring genah sane kasinanggeh suci, keni pamidanda manut pararem, maduluran panyangaskara prade sang majengilan kantos ngamedalang rah.

Pawos 33

- (1). Sang manggihin kahanan artha bhaya (kamalingan), patut ngulkul mapitulung manut ring pawos 19 (3) aksara ha utawi sang kamalingan atur supeksa ring Prajuru Desa sane pacang nimbangin utawi nandanin manut pararem, sahe maweweh panyangaskara prade wenten jatma ngamaling barang sinangguh suci.
- (2). Pratingkahe mapailon ring dusta kabawos saroron, prade wenten jadma manggihin maling tan nyadokang ring Prajuru jantos jatma tiyos nyaduang, patut kadanda kadi dandaning maling, sakweh pangargan wit manut cacakan Banjar, tur prade jantos ping tiga malaksana asapunika wenang kasukserah ring sang Ngawawenang.
- (3). Prade wenten jadma ngererch raramon, minakadi daun kelapa, ron miwah sane sewosan tanpa sadok ring sang nruwenang wit, prade kacunduk (katara) patut kadanda kadi dandaning maling.
- (4). Yening wenten jatma ngaranjing kapakubon wiadin pakarangan jatma tiyos rikala suwung, mawastu sang madruwe karang kaicalan, wenang jatma inucap katuwekang antuk madewa saksi ring Pura Bale Agung.

- (5). Mangda tan katuwekang manut sakadi ring ajeng, asing-asing ngaranjing kapakubon jatma tiyos patut :
- ha. matengeran suwara (makaukan) ;
 - na. nyantos sang aruwenang karang rawuh utawi masadok ring pangapit pinih tampek, maka buatan pangaranjinge ;
 - ca. pamedal karangnya kadagingin sawen makacihna pangarah rikala suwung.

Kaping 6
Panyanggran Banjar

Pawos 34

Krama Desa rikala ngawentenang karya suka-duka, patut kasanggra olih Banjar, luwire :

- ha. Prade ngawangun Pitra Yadnya utawi Manusa Yadnya, manut pinunas sang mayadnya;
- na. Pangarombo utawi karya gotong-royong krama ping tiga, langkungan ring punika patut katuran pangu.
- ca. Pangu rikala Pitra Yadnya manut abot dangan Yadnya, prade saking semengan ngantos wengi katuran pangu ping kalih

CATHURTAS SARGAH
SUKERTA TATA AGAMA

Palet 1

Indik Dewa Yadnya

Pawos 35

- (1). Kahyangan Panyiwian ring sawidangan Desa Pakraman Tarukan luwire :
- ha. Kahyangan Tiga, Pura Desa/Bale Agung, Puseh miwah pura Dalem lan Prajapati.
 - na. Pura Nataran Ketut ;
 - ca. Pura Dalem Mijilan ;
 - ra. Pura Melanting.

- (2). Rahina piodalan ring soang-soang kahyangan inucap, kadi ring sor :
- ha. Ring Kahyangan tiga, luwire ;
 - 1). Pura Puseh, rikala Purnamaning Kapitu ;
 - 2). Pura Desa/Bale Agung, rikala Purnamaning Kapitu ;
 - 3). Pura Dalem, rikala Tileming Kaenem.
 - na. Pura Nataran Ketut rikala Bhuda Cemeng Menail ;
 - ca. Pura Pelangkiran rikala Tumpek Landep ;
 - ra. Piodalan Ratu Gede rikala Tumpek Wayang.
- (3). Pangaci ring Pura inucap manut kecap sastra Agama, saha kelaksanayang nista, madia, utama manut kawentenan pararem ;
- (4). Pangempon soang-soang Pura manut dresta kadi ring sor :
- ha. Pura Kahyangan Tiga kaempon olih Desa Pakraman Tarukan ;
 - na. Pura Pelangkiran kaempon olih Krama Desa Pakraman Tarukan ;
 - ca. Pura Penataran Ketut kaempon olih Desa Pakraman Tarukan.

Pawos 36

- (1). Ring soang-soang Pura inucap patut kaadegang Pamangku :
- (2). Ngadegang Pamangku manut dudonan :
- ha. nyanjan utawi masemuang, soang-soang mapiteges mapinunas ring ajeng Pura wiadin kadura Desa manawi ring balian konteng, lan sapanunggilannya ;
 - na. turunan utawi waris ;
 - ca. kacatri olih krama Desa ;
- (3). Tan kawenang adegang Pamangku luwire :
- ha. cendangga makadi peceng, perot, cungh lan sapanunggilanipun ;
 - na. sang sapisira ugi sane tan kapatutang manut pararem ;
 - ca. sakit ila, ayan, buduh wiadin edan ;
 - ra. sane tan madrebe kasucian urip.
- (4). Praba Kapamangkuan :

- ha. adiksa Widhi (ngawintenin) lanang istri kemedalin saha kelaksanayang olih sang ngadegang, makadi krama Desa utawi pangempon Pura soang-soang.
- na. mapitra Yadnya riwekas lanang miwah istri patut kasungkemin olih Krama Desa utawi pangemong, sanistane Brahmaprayscale panyanggrane manut pararem prade Yadnya inucap kalaksanayang olih warga sira pamangku :
- ca. sinalih tunggil krama yan wenten ngipik-ngipik sapari polah Pamangku, nanging pamangku tan sapunika pari polahnya kadi sane kaipik-ipik, wenang jadma inucap kasisipang nyuciang pamangka, manut pararem.

(5) Pamangku patut ngamanggehang sesanating Pamangku luwire :

- ha. ambek Dharma Shadu ;
- na. asewaka Dharma, makadang sastra utama ;
- ca. tan parek ring naya dustha ;
- ra. tan atayub ring tarub camara yudha.
- ka. tan manjing ring umah wong banija krama.
- da. tan manjing ring umah wong drati krama ;
- ta. tan wenang ajajuden ;
- sa. tan anginum asing angawe mada .
- wa. tan pati pikul -pikulan ;
- la. tan pati salah suluh ;
- ma. tan wenang anayub upadrawaning cet, yan masoyawahara teka wenang adewa saksi ;
- ga. tan griganing wong akweh ;
- ba. tan kencana cunakaning wong leon, saproamin kulawarganya tunggil natak, utawi pasiwanya manut dresta

(6). Prade memung, wenang Pamangku nyepuhin nga kasaksinin olih prajuru Desa.

(7). Yan pacang ngawalat rabi wenang ngawatang ramuhun pawintenanya, ring pura gonalnya madeg pamangka nguni, kumbuhnya wawu wenang ngawalat rabi, riwas upacaranya wenang ngawata wasa salaminya atahan, was pamika wawu mawinten lakibi kadi pawintenanya nguni.

Pawos :37

Swadharman Pamangku luwire :

- ha. Ngenterang upacara piodalan ring Kahyangan utawi ring soang-soang pakubon krama ;
- na. Prade salah sinunggil Pamangku kapialang utawi cuntaka, kengin nguntap Pamangku kahyangan desa tiosan utawi nuhur sang sulinggih.
- ca. Samaliha yan sampun Pamangku ngayah ring Pura kancit wenten kulawargannya seda, Pamangku inucap tan keneng cuntaka sakewanten Pamangku tan budal salami piodalan.

Pawos 38

Patias utawi olih-olihan Pamangku luwire :

- ha. Polih sarin canang manut pararem ,
- na. Upon palaba carik manut pararem ;
- ca. Luput ayahan miwah pepeson manut paruman ;
- ra. Patias sewosan manut pararem ;

Pawos 39

(1). Pamangku kagentosin riantukan :

- ha. s e d a ;
- na. pinunas ngaraga, sangkanin kageringan lan sapanunggalannya ;
- ca. kauwusang olih krama sangkanin malaksana sane tan patut.

(2). Prade Pamangku kauwusang sangkaning malaksana tan patut keni pamidanda saha ngawaliang prabiya pawintenannya pecak.

Pawos 40

Kasukertan Kahyangan kadi ring sor :

ha. Tan kalugra ngaranjing kapura luwire :

- 1). sang katiben cuntaka makadi sebel ring raga utawi kapademan ;
- 2). makta sahanan barang barang sinanggeh ngaletihin ;
- 3). sato agung, sajawaning rikala mapapada ;
- 4). mabusana sanc tan patut kadi tatacaraning ngaranjing kapura ;
- 5). sadereng polih wak-wakan (pituduh) Prajuru Desa.

na. Pratingkahe tan wenang ring pura :

- 1). masumpah (cor) sajawaning pituduh Prajuru desa ;
- 2). wak parusya/wak capala, makobetan, masasenengan, makolem dados asiki lanang wadon, mabacin, mawarih, macecepin rare, majaljal /majengilan, nyangsang busana, manahin pasungan (santukan punika rikala majajahitan patut magelung busung macingor lidinya) ;
- 3). munggh tedun palinggih sajawaning pituduh Prajuru.

ca. Sang mamurung kecap ring ajeng keni pamidanda pamrayascita sapatutnya.

Pawos 41

- (1). Yap wenten jasma karawuhan ring pura, dados kapintonin prade rumasa kasumangsayan, yan tan wiakti, jasma inucap kasisipang manut pamtut sang pinandita.
- (2). Prade Khayangan kahanan dermanggala, minakadi keni bhaya Pamangku/Sang manggihin, patut digelis nyadokang ring Prajuru Desa mangda marumang krama Desa tut ngawentenang pamrayascitta sapatutnya.

Palet 2

Iudik Rasi Yadaya

Pawos 42

- (1) Sang pacang madeg Pandita utawi Pinandita minakadi Balian Sonteng. Kubayan. Dalang, sakaluwiring sane jagi ngenterang Yadnya patut masadok ring Prajuru Desa utawi Prasida Hindu Dharma Indonesia.
- (2) Prajuru Desa patut ngawas nitenin tur wenang ngalengin prade wenten kacihna nyasar ring kakecap miwah drestane, tur sareng nyaksinin upacaranya saha nyobyahang ring paruman Desa tegep rawuhing wates kawenangannya ngenterang yadnya.
- (3) Krama Desa patut ngaturang ayah sapamadeg miwah ring pangelepas Sang Sulinggih riwekas katuntun olih Prajuru Desa.

Pawos 43

- (1) Sang Sulinggih lan pamangku patut ngariyining muputang ring wawidangan Desa Pakraman Tarukan sasampun punika wawu muputang yadnya kajebar tios Desa utawi kadura Desa.
- (2) Krama Desa sami patut sareng ngawas nitenin katuntun olih Prajuru, mangda sahanan yadnya sane kawentenang kaicen pamuput olih Padanda utawi Pinandita manut kawenangannya soang-soang.

Palet 3

Indik Pitra Yadnya

Pawos 44

Pamargin Pitra Yadnya madudonan manut sakadi ring sor :

ha. Pangupakaran Sang kalayu sekaran :

- (1). antuk mendem utawi ngeseng, makacihna pakingsan ring ibu Pratiwi utawi ring geni, manut pararem ;
- (2). atiwa-tiwa (upakara pangabenan/palebon) tur sane kengin kaabenang risampun ketus untu, saha prada durung ketus ngawit saking yusa tigang sasih patut kabenang ngalungah.

- na. Upacara upacara Pitra Yadnya riwusan kaabenan ngararis munggah daun bingin (ngaroras) manut dudonan Atma Wedana.

Pawos 45

Swadharmaning lan tategenan prade wenten sinalih tunggil Krama kalayu sekaran :

ha. Sang kaduhkitan patut :

- 1). nyadokang ring Prajuru tur nunas tatimbangan ring kawentenanya ;
- 2). ngaturin Banjar ngarombo makarya eteh-ete sarwa saha nganter kasetra, tur katuran panyambroma sasida –sidaan.

na. Swadharmaning Prajuru Desa/Banjar :

- 1). Prajuru maritatas pamargin sang kaduhkitan, napike pacang kapendem, makingsan riyin utawi lantur kaabenang ;
- 2). prade kapendem, raris kaswarayang kulkul pamitahu manut pawos 19 (3) aksara ca olih Prajuru.

3). panyanggran Banjar salanturnyane :

ha). soang-soang Krama Banjar nedunang patus beras, adeng, kelapa, miwah manut pararem ;

na). ngarombo ngaryanin eteh-ete sawa, kasarengin olih Krama sane rawuh ngarombo.

ca). sami Krama banjar nganter kasetra jantos puput pemendemane.

ca. Tan kengin ngalelet langkungan ring 7 (pitung) rahina tur patut polih pagebagan manut paetengan Prajuru.

- ra. Tan kalugra nginepang bangbang miwah mendem rikala :
Semut sadulur,
Kala gotongan, Pasah, Kajeng Kliwon, Purnama Tilem.
- ka. Prade wenten kalayu sekaran rikala piodalan, kengin mendem tanpa sadok, tan nyuwarayang kentongan/kulkul tur mamargi wengi/sasiliban.
- da. Pamargin pamendeman utawi palebonan nganutin sastra agama lan dresta.
- ta. Rare sane durung ketus odel patut kapendem pramangkin tan nganutin padewasan.
- sa. Mapendem tan nganutin padewasan sane kabawos makinsan tan kalugra makarya undang-undang/ gagumukan gumanti ngantos pedewasan, upakara mamargi sasampune wenten padewasan.
- wa. Mungwing pananjung batu kadi ring sor :
- 1). yaning wenten sang tiyos Desa mapendem iriki kakenaning pananjung batu manut pararem.
 - 2). yaning sane ngarepin ngaben ngidih sawa nanging kari wawidangan desa Pakraman Tarukan tan kakeninin pananjung batu ;
 - 3). yaning anak tiyos Desa Pakraman matemuang ngaben kakeninin pananjung batiu manut pararem.
 - 4). yaning prada wenten ring sejeroning krama pakraman jagi matemuang ngaben awarsa lintang Desa Adat iriki wusan ngaben.

Pawos 46

- (1). Prada seda sangkaning salah pati, kapangawan, lan sakancan ipun, kengin kabakta budal tur kaprateka kadi patut risampun kamanggala antuk upakara-upakara banten penebusan lan pengulapan.

- (2). Sang seda sangkaning sungkan ngalahlahin, lan sapanunggilnya kengin papendem ring setra.
- (3). Prade wenten sinalih tunggil krama ngerobang manut (2) ring ajeng sadereng sang kageringan lampus patut kasadokang prajuru muah mapatiba jampi usada Dokter. Yaning mamurug mawas gering inucap ngalahlahin, sang ngarombang kadanda manut pararem.
- (4). Prade sang istri seda ngadut manik, tan wenang kapendem, jantos bobotnya kaembasang antuk dokter/balian manak.
- (5). Prade kahanan wong seda ring pakarangan wong tiyosan, tegalan lan sapanunggilnya sang madrebe sawa maprascita genah inucap.

Pawos 47

- (1). Sane kasinanggeh kacuntaka sakadi ring sor :
 - ha. cuntaka antuk kalayu sekaran ;
 - na. cuntaka antuk ngraja swala;
 - ca. cuntaka antuk ngembasang putra ;
 - ra. cuntaka antuk karuron ;
 - ka. cuntaka antuk sakit ila, buduh ;
 - da. cuntaka antuk pawiwahan ;
 - ta. cuntaka antuk gamia gamana ;
 - sa. cuntaka antuk salah timpal ;
 - wa. cuntaka antuk yenin wentenan anak istri mobot nenten kaupakarayang pabiukawonan miwah pawidiwidana ;
 - la. cuntaka antuk mamitra ngalang ;
 - ma. cuntaka antuk yaning wenten anak istri ngamedalang putra sadurunge maupakara pabiukaonan miwah pawidiwidana ;
 - ga. cuntaka antuk sad Tatayi ;
- (2). Sengker cuntaka manut kawentenannya :

- ha. cuntaka kalayu sekaran, cuntakanya kaanutang ring loka dresta Desa Pekraman Tarukan ;
- na. Cuntaka ngraja swala, 3 rahina ngawit saking ngaraja swala utawi salaming ngraja swala ;
- ca. cuntaka ngembas putra, 42 rahina (abulan pitung rahina) ngawit saking putrane embas, utawi ngantos sampun kaupakarayang makakambuhan lan maprayascita manut sastra Agama, lanang wiadin istri nyantos kepus odel ;
- ra. cuntaka karuron, cuntakanya abulan pitung rahina (42 rahina) tur sampun matirta pamerayascita lanang istri nyantos 3 rahina ;
- ka. cuntaka sakit ila, buduh/edan, cuntakanya manut ilikita pastika saking Sang Ngawawenang/sang nambanin miwah sampun marayascita raga ;
- da. cuntaka pawiwahan, cuntakanya ngantos sesampune matirta pabiukaonan ;

- sa. cuntaka gamia gemana, cuntakanya ngantos sesampune kapalasang/kasapihang tur sampun kawntenang pamrayascita raga miwah pamrayascita Desa Pakraman /Kahyangan ;
- ta. cuntaka salah timpal kapuputang manut ring sastra Agama Hindu miwah dresta ;
- wa. cuntaka anak istri mobot nenten kawntenan upakara pabiukaonan, cuntakanya ngantos kawntenan upakara pabiukaonan ;
- la. cuntaka mamitra ngalang, cuntakanya ngantos kawntenang upakara pabiukaonan
- ma. ngembasang putra nenten kawntenang upakara pabiukaonan miwah pawidiwidanan, cuntakanya ngantos wenten sane mameras sang putra, lan sampun kewntenang upakara manut ring sastra Agama Hindu;
- ga. cuntaka Sad Tatayi, cuntakanya ngantos sampun maprayascita raga tur nenten pisan dados ngamunggahang upacara padwijatian.

(3). Cuntaka kalayu sekaran / kepademan :

- ha. Kapendem cuntakanya :

- 1). cuntaka/sebel kabanjar ngantos 3 rahina riwusnya mendem/manut drestha utawi sesampun polih pamrayascita.
 - 2). kulawargania sajeroning pakarangan manut dresta.
- na. Kaabenang cuntakanya ngawit saking masuara kulkul, china nyambut karya.

(4) Sane katiben cuntaka luwire :

ha. Kalayu sekaran sane kacuntaka :

- 1). sang sane kalayu sekaran :
- 2). kulawarganya :
- 3). babanjaran ;

na. Ngraja swala sane kacuntaka :

- Sang sane ngrajaswala.

ca. Ngembas putra sane kacuntaka :

- Kawulawargania sane ngembasang putra lanang wiadin istri.

ra. Pawiwahan sane kacuntaka :

- Sang sane ngalaksanayang pawiwahan lanang wiadin istri.

ka. Sakit ila/ buduh, sane kacuntaka raganya dewek.

da. Karuron sane kacuntaka :

- Kawula warganya lanang wiadin istri.

ta. Gamia gamana sane kacuntaka :

- 1). Sang sane ngalaksanayang gamia gamana ;
- 2). Desa Pekraman nyane.

sa. Salah timpal sane kacuntaka :

- 1). Sang sane malaksana salah timpal ;

- 2). Kulawarganya ;
- 3). Desa Pekraman.

wa. Anak istri mobot nenten kawentenang upacara pabiukaonan sane kacuntaka :

- Sane maraga istri (sane mobot)

la. Mamitra ngalang sane cuntaka :

- Sane ngalaksanayang mamitra ngalang.

ma. Ngembas putra nenten kawentenang upakara pabiukaonan miwah upakara pawidi-widana sane kacuntaka :

- 1). Sang sane ngembasang putra ;
- 2). Putra sane embas

ga. Sad tatayi, sane kacuntaka :

- Sang malaksana sad tatayi

Pawos 48

(1). Attiwa-tiwa (pangabenan) kalaksanayang antuk :

- ha. Sawa prateka, pangabenan mawatang sawa ;
- na. Sawa resi, pangabenan mawatang antuk sawa kresyan ;
- ca. Swasta/ Asti wedana, pangabenan mawatang sawa sane tan kakeniang, kagentos antuk lalang utawi toya.

(2). Nyawa Resi kelaksanayang antuk pengawak duwaning tan ngagah utawi nganggen engawak ilalang prade sawa tan kakeniyang.

(3). Asti wedana kelaksanayang antuk ngagah galih.

(4). Sawa Prateka kalaksanayang antuk mreteka sawa sane durung polih kependem.

- (5). Dudonan pangabenan sekadi ring sor. :
- ha. ngaskara antuk ngagah utawi nyawa Resi ;
 - na. pengutangan antuk ngeseng sawa ;
 - ca. pengiriman.
- (6). Wusan upakara pangabenan wenang kawentenan pecaruan Panca Sata ring setra.

Pawos 49

- (1). Panemayan pangabenan wenten kalih pawos :
- ha. ngaben dadakan manut pararem ;
 - na. ngaben ngamasa, manut pararem ;
- (2). Tata sulur pangabenan manut pependeman meweweh upakara penebas tirta sakadi ring sor :
- ha. banten kapura Dalem ;
 - na. banten kapura Prajapati ;
 - ca. banten kabeji.
- (3). Prade mapendem upakara nunas toya ring Pura Dalem Khayangan Prajapati pamargine manut dresta.

Pawos 50

- (1). Peputusan pangabenan wenten kalih pawos ;
- ha. ngaben ngamasa luwire : beras, kelapa, gesing, kelangсах miwah sane sewosan manut pararem.
 - na. ngaben dadakan, pateh sekadi patus seda kependem.
- (2). Pangingunc ring Krama banjar ngawit ngayah manut abot dangan kawentenan karya.

Palet 4

Indik Manusa Yadnya

Pawos 51

- (1). Manusa Yadnya inggih punika upacara-upakara dharmaning kahuripan manusa, ngawit sakeng patemoning kama bang kalawan kama petak sajeroning garbha ngantos kalayu sekaran riwekas.
- (2). Upacara ring ajeng madudonan sekadi ring sor :
 - ha. megedong-gedongan duk pangerempinin ibiang ;
 - na. duk sang kamareka medal ;
 - ca. kepus odel ;
 - ra. roras rahina ;
 - ka. tutug kambuhan (42 rahina) ;
 - da. nigang sasihin (3 sasih);
 - ta. pawetuan /otonan/odalan (6 sasih);
 - sa. ngembugin rikala wawu tumbuh untu ;
 - wa. makupak /maketus ;
 - la. tutug kelih (ngraja swala , wadon ngembakin, ngraja singa lanange) ;
 - ma. matatah /mapandes ;
 - ga. mawiwaha ;
 - ba. mawinten, nunas panugrahan Sang Yhang Aji Saraswati.
- (3). Upacara-upakara inucap nista, madia, utama manut sastra Agama Hindu lan dresta.

Palet 5

Indik Bhuta Yadnya

Pawos 52

- (1). Bhuta Yadnya inggih punika upacara-upakara byakala ring Pratiwi lan Kahyangang, sarwa prani saha upacara-upakara ring babuthan miwah ring piranti sewosan.

- (2) Upacara pabyakala ring sarwa prani, sarwa tumuwuh muwang piranti luwire ;
 ha ring sarwa lelandep rikala Saniscara Kliwon wara Landep ;
 na ring sarwa tumuwuh lan piranti rikala Saniscara Kliwon wara Wariga ;
 ca ring sarwa syandata/wahana rikala saniscara Kliwon wara Kuningan ;
 ra ring sarwa lelangan rikala Saniscara Kliwon wara Krulut ;
 ka ring sarwa ingon-ingon/wewalangan rikala Saniscara Kliwon wara Uye ;
 da ring sarwa ringgit, ukir-ukiran rikala Saniscara Kliwon Wayang ;
 ta upacara pakala-pakala manusa manut widana, kabawos pabyakala.
- (3) Upacara pabyakala ring Pratiwi, Kabiyangan lan Babuthan kawastaning macaru.
- (4) Pacaruan inucap ring ajeng nista, madia, utama, manut wiguna kadi ring sor :
 ha Ekasata ;
 ca Panca sanak ;
 ka Tawur Agung ;
 na Panca sata ;
 ra Resi gana ;
 da Panca kelud ;
- (5) Sajawaning kadi ring ajeng kawontenang upakara :
 ha majot-majotan utawi yadnya sesa nyabran wanan ngarateng ;
 na masapuh-sapuh rikala pacang wali ring pura ;
 ca pacaruan pasasihan kalakasanayang sungken Tilim ngawit saih ka 5, 6, 7, 8, lan ka
 9, sajawana winten durbiksan jagat.

Pawon 53

- (1) Nanglen ngawarsa rikalaning Tilim kasanga kawontenang tawur kasanga, kalanturang
 amut ngatiput, makacilna pacang magog salina penyepian benjang.
- (2) Brata penyepian saur kamaingih silih kama Desa ;
 ha amati geni ; ma kongin maapi - siji ;

- na. amati karya ; tan kengin nyambut karya ;
- ca. amati lelangunan, tan kengin maoneng-onengan, masuwara gora, lan sapanunggalannya

- (3). Pabratan inucap kamargiang sakeng semeng ngantos semeng benjange raris kasuwarayang kulkul punika cihna pengembak.
- (4). Sang mamurung kecap ring ajeng keni pamidanda manut pararem Banjar/tempek soang-soang kamargiang olih patelik (pacalang Desa).
- (5). Riwus rahina Nyepi (benjangne) maka cihna pangawit Isaka Warsa patut warga Desa sami madharma Santi.

PANCAMAS SARGAH SUKERTA TATA PAWONGAN

Palet 1

Indik pawiwahan

Pawos 54

- (1). Pawiwahan inggih punika patemon purusa kalawan pradana, malarapan panunggalan kayun suka lila kadulurin upasaksi sakala niskala.
- (2). Pamargin pawiwahan luwire :
 - ha. pepadikan, kamanggala antuk pakrunayan ;
 - na. ngarorod, marangkat riyin wawu kakrunayang ;
 - ca. nyeburin utawi sentana nyeburin (risampun nganutin upakara pamerasan) ;
- (3). Pidadab sang pacang mawiwahan patut :
 - ha. sampun manggeh daha-teruna (prasida nganutin Undang-undang) ;
 - na. sangkaning pada lila (tan kapaksa) ;

- ca. manut kecap sastra Agama (tan gamia gamana) ;
- ra. kasudiwadani prade pangambile tios Agama,

(4) Pamargin pawiwahan mangda taler nganutin Undang-undang Perkawinan sane kamanggehang.

Pawos 55

- (1). Pawiwahan sane kapatutang ring Desa, sakadi ring sor :
- ha. sampun kamargiang pabyakala utawi pasakapan, kasaksiang sakala niskala olih Pandita utawi Pinandita ;
 - na. wenten pasaksi Prajuru Desa sane mapakelingang utawi ngilikitayang pawiwahan;
 - ca. sampun matengenan suwaran kulkul ;
 - ra. pawiwahan inucap ring ajeng sampun ilikitayang ring sang Ngawawenang.
- (2). Parabian sane tan manut kadi kecap ring ajeng sinanggeh tan patut.

Pawos 56

Tata caraning parabian patut sakadi sor :

- ha. Sapa sira ugi pacang ngawarangang pakulawarganya patut masadok ring Prajuru Desa salanturnya Prajuru Desa maritatas manut tan manut pamargin parabine ;
- na. Pamargin pepadikan manut dudonan :
 - 1). pakrunayan jantos ping tiga , saha soang-soang malarapan :
 - ha. kaprathama antuk canang/sedah ;
 - na. kaping kalih antuk canang pangarawos;
 - ca. kaping tiga antuk daksina pajati kabawos pamuput pamadikan.
 - 2). risampune puput raris sang istri kaajak budal ring pakubon sang-lanang, saha kalanturang antuk pabyakala

2). risampune puput raris sang istri kaajak bedal ring pakubon sang-lanang, saha kalanturang antuk pabyakala

3). Mangda puput tumus sakala niskala, raris kulawarga purusa makta pajati ring Pamrajan /Sanggah wadone.

ca. Prade ngarorod/marangkat patut :

1). reraman lanange ngawentenang pamilaku/pangenduh antuk duta sakirangnya 2 (kalih) diri ;

2). pegenahan antene tan kengin ring pakubon sang lanang sadereng mebeyakala

ra. Sajeroning pakrunayan/pangalukuan patut :

1) kamanggala antuk geng pangampura arep ring reraman wadone ;

2) kaigumang bawos idih pakidih utawi palegayan arep ring pasewakan sang ngidih saha dewasa pakerabkambeyane riwekas ;

3) kacihnayang ibdik kapurusa utawi prada sentana arep rajeg kajejerang kapatut ngidih anak lanang sane kabawos pawiwahan nyeburin, tur risampun sulur pamerasan ketegepin kemanggehang sentana nyeburin ;

4). Prade tan terima pajati, pakrunayan kamargiang jantos ping tiga.

ka. Pakerab-kambeyan mapiteges upacara tinas apadang (puput) mapakuren, duwaning manut sakadi ring sor :

1). Sajeroning kabawos ambe, kalaksanayang ring sekala niskala masarana jejauman miwah pawidi widana :

ha). jejauman pinaka ngambe/ngadhangang kayun soang-soang pakulawargan wadone ;

na). widi widana pinaka pajati niskala munas wadone ring Pamrajanya.

2). Sajeroning bawos kerab pamargi ring sakala :

ha). antuk panyaksi Krama Banjar, duwaning kaparabiang matengeran swaran kulkul.

na. pamekas pasaksi Prajuru sane ngilikitayang.

Palet 2
Indik Nyapian
Pawos 57

- (1). Pawiwahan prasida kawusang malarapan antuk palas parabian utawi kapademan.
- (2). Wusan mapakuren riantukan salah sinunggal seda mapiteges balu, makadi balu lanang/istri.
- (3). Palas parabian inggih punika sangkaning mawiwit wecara.
- (4). Sang ayat palas marabian patut atur supeksa pailikitan riyin ring sang Rumawos wastu tinas apadang pamutuse kabawos nyapian wawu Prajuru nyobyahang kawentenannya ring Desa saha keni panebas swaran kulkul manut pararem.

Pawos 58

Tata cara palas parabian sakadi ring sor :

- ha. nawur prabeya pasaksi sinalih tunggil sami matenga ;
- na. pagunakayan polih pahan pada ;
- ca. pabekel, tadtadan soang-soang kakuasa niri-niri miwah warisan kakuasa olih purusa ;
- ra. ngaweruhin miwah ngupajiwain pratisentana manut swadharmaning guru rupaka ;
- ka. nawur pamidanda penebasan swaran kulkul manut pararem ;
- da. mapamit ring pamrajan/sanggah lanange.

Pawos 59

Prade riwekas sang palas kecihnan adung malih, patut :

- ha. ngalaksanayang pawiwahan malih ;

na. kadenda nikel saking palase ;

Pawos 60

(1). Sang balu kabinayang dados :

ha. balu luh wit sentana (sentana rajeg) miwah balu luh boya sentana ;

na. balu muani kapurusa (wit sentana) miwah balu muani nyeburin (boya sentana).

(2). Swadharmaning balu inucap patut :

ha. ngamanggehang patibrata tan kengin ngamargiang paradara/darati krama ;

na. nguasayang waris pagunakaya, tan dados ngadol, ngadeang, makidihang lan siosan punika, sajawaning kabebasan olih pianak utawi kulawarga pinih tampek sakeng kurenannya prade pianak kantong alit-alit ;

ca. kengin ngidih sentana prade wenten pidabdab sadurung sinalih tunggil padem, saha kabebasan olih kulawarga sakeng kapurusa ;

ra. kawenangang mawiwaha malih, prade wenten kabebasan manut angka/aksara ring ajeng .

Pawos 61

Balu kaucap tan pageh sakadi ring sor :

ha. daratikrama utawi paradana ;

na. matilar saking pakubon tan pasadok jantos 6 (enam) sasih ;

ca. lempas ring swadharma sewos-sewosan, tan prasida ngesihin solah maprawerti arep ring pituduh sane patut sakeng kulawarga purusa.

Palet 3

Indik Sentana

Pawos 62

(1). Sentana wenten kalih pawos, sane kaucap pratisentana miwah sentana paperasan.

- (3). Prade pawiwahan tan kapatut ngawetuang sentana, mangda tan kantung kawastanin babinjat utawi astra patut kamanggala antuk panyangaskara.
- (4). Prade pawiwahan tan ngawetuang sentana kengin ngidih sentana antuk upasaki sakala niskala sane kawastanin sentana peperasan.
- (5). Sentana rajeg inggih punika, pratisentana wadon (pradana) sane kamanggehang lanang (purusa) tur risampun ngalaksanayang pawiwahan keceburin.
- (6). Sang sane dados kaarsayang sentana rajeg inucap wiwit angka (5) inggih punika :
 - ha. Pratisentana wadon tunggal ;
 - na. sampun kamanggehang dados pratisentana lanang (purusa) ;
 - ca. kapawiwahang kaceburin kautamayang olih jadma sane maagama hindu utawi iadma sane maagama siyosan sane sampun ngalaksanayang sudiwadani.
 - ra. sane ngamanggehang sentana rajeg patut mapasadok ring Prajuru Banjar. tur I Klian Banjar patut nyobyahang ring Banjar saha ngaturang ring Prajuru Desa Pakraman.

Pawos 63

- (1). Nangkat sentana manut dudonan patut makacihna arta berana pamcrasan sane kasaksiang sakala-niskala ;
- (2). Sapa sira ugi krama pacang ngidih sentana patut masadok ring Bendesa sanistana 3 (tigang) sasih sadereng pamerasan. Bendesa ngalanturang pakarsa punika ring sang ngwa wenang ;
- (3). Bendesa kewakilin olih Klian-klian Banjar nyobyahang ring sawidangan Desa, sang sapa sira ugi rumasa tan lila mangda nyadokang masengker kalih uku (14 rahina) sabanen pamerasan ring Bendesa Pakraman ;
- (4). Prajuru Desa digelis mawosin saha ngicenin pamutus nepek ring catur dresta miwah pararem;
- (5). Prade sulur paperasan tan manut kadi kecap ring ajeng, Prajuru Desa wenang ngandeg sang pacang mameras daha ngicenin pamutus mangda kapuputang riyin bawos, sulur utawi wicaranya.

Pawos 64

- (1). Paperasan sane kapatut ring Desa risampun makacihna :
 - ha. Widi-widana paperasan ;
 - na. kasaksinin olih prajuru Desa sane makelingang utawi ngilikitayang.
 - ca. kasobyahang ring wawidangan Desane.

- (2). Sane kapatut peras angge sentana kadi ring sor :
 - ha. jatma maagama Hindu.
 - na. papernahan nedunang saking sang meras ;
 - ca. kulawarga saking purusa, prade tan wenten kengin sakeng wadon, yening taler ten wenten wawu kangin sakama-kama (sakita kayun).

 - ra. kautamayang saking waris pancer kapurusa;
 - ka. sinalih tunggil mawiwit saking kulawarga tunggal sanggah utawi merajan, paibon lan dadia utawi ngambilin anak tios sakewanten sang maagama Hindu.

- (3). Kengin ngangkat sentana langkungan ring adiri wiadin wadon, prade ngangkat sentana lanang wadon, nenten dados kapawiwahang.

Palet 4

Indik Warisan

Pawos 65

- (1). Warisan inggih punika tetamian arta berana saha ayah-ayah ngupadi kasukertan sakala lan niskala saking kaluhurannya arep ring turunannya.

- (2). Kang sinanggeh warisan luwire :
 - ha. Duwe tengah, makadi tegal, ayahan Desa, Kahyangan, pusaka siwa pakarana lan sapanunggalanya ;

- na. Pamerajan ;
- ca. Pagunakayan, tadtadan/jiwa dana, hutang piutang.

(3). Wawu kengin kabawos warisan prade wenten :

- ha. sang mapiturun (pawaris) ;
- na. katurunan (ahli waris) ;
- ca. arta berana miwah tategenan ayah-ayahan makacihna warisan.

Pawos 66

(1). Ahli waris luwire :

- ha. pratisentana purusa ;
- na. pratisentana pradana (sentana rajeg);
- ca. sentana paperasan lanang/wadon ;

(2). Prade tan wenten sakadi ring ajeng, kang sinanggih ahli waris :

- ha. turunan purusa pernah mungghang, rerama lanang, pekak salantur ipun rerama misan, mindon ;
- na. turunan purusa pernah kasamping makadi kaponakan misan, mindon.

Pawos 67

Swadarmaning ahli waris patut :

- ha. Nerima saha nguasayang tetamian pahan saking kaluhurannya, makadi ngarempon pemerajan/sanggah, pura saha pangupakaranya miwah nyelidihinin ayah-ayahan pawaris;
- na. Ngabenang pawaris saha ngalanturang upacara –upakara pitra ;
- ca. Nawurin hutang-hutang pawaris sane manut pangaloika.

Pawos 68

- ha. Risampun kalaksanayang Pitra Yadya lan hutang-hutang pawaris buntas katawur.
- na. Para ahli waris polih pahan pada sangkaning pagunakayan, sajabaning karang/tegal, nyahan Desa kaamong olih ahli waris kangsinanggeh Krama ngarep :
- ca. Sinalih tunggil ahli waris kengin tan polih pahan prade :

- 1). nilar kawitan lan sesananing Agama Hindu ;
- 2). alpaka guru rupaka ;
- 3). sentana rajeg kesah mawiwaha utawi pratisentana nyeburin, soang-soang kabawos ninggal kadaton .

ra. Boya ahli waris kengin muponin hasil marut dudonan luwire :

- 1). sentana luh salami dereng kesah mawiwaha utawi tan alpaka guru, miwah prade madrebe pianak tan kaangkenin olih wong tua rare inucap, kengin ngawaris wantah pikolih pagunakaya sentana luh inucap kemawon ;
- 2). balu luh wiadin muani nyeburin (soang-soang boya sentana) ;
- 3). mulih deha utawi teruna, riantukan ring pawiwahane pecak sampun kabawos ninggal kadaton.

ka. Pawaris kengin meweweh rikala marup piaka jiwa dana, tadtadan beket, makacihna paweweh tetep ring pianak tan kesah mawiwaha.

Pawis 69

(1) Prade sajeroning pakadawangan winten ahli wano langkungin ring adiri patu

ha. kawontenang pagawa indik podum wano inucap ;

na. yan tan prasida katumusang tatimbunging sang Prajura (kerta desa) ;

ca. prade taler tan winten sanggaing pangras Kerta Desa, kengin katumusang ring sang Ramawos.

(2) Prade larang inucap kaputungan, patu Prajura nibalasang ring :

- ha. sang sinanggeh ahli waris manut pawos 66 ;
 - na. sang kengin anggen sentana manut pawos 64 angka (2) miwah angka (3);
 - ca. prade taler tan wenten cumpu ring panepas Kerta desa, kengin kapuputang ring sakepan Desa saduring katumusang ring sang Rumawos.
- (3). Prade jantos karang Desa kaepah utawi kasepih, patut soang-soang nedunin makrama Desa marep.

SAT SARGAH
WICARA LAN PAMIDANDA
Palet 1
Indik Wicara
Pawos 70

- (1). Sane wenang mawosin makadi mutusang wicara ring Desa inggih punika Prajuru Desa sinaggih Kerta Desa.
- (2). Tata dudonan mawosin saha muputang wicara warga desa kadi ring sor :
- ha. kaping ajeng kabawosin olih Kelihan Banjar ;
 - na. tan cumpu ring panepas Kelian Banjar ngelantur ring kerta banjar, wawu ring paruman banjar.
 - ca. prade tan cumpu ring pamutus Banjar, katumusang ring Bendesa Pakraman lan Kerta Desa ;
 - ra. Taler tan wenten cumpu ring pamutus Bendesa lan Kerta Desa katunasang ring Paruman Desa Pakraman.

- (3). Prade sang mawicara tan wenten cumpu ring pamutus paruman desa lan kerta Desa, kengin nunasang wicara inucap ring sang Rumawos.

Pawos 71

- (1). Sahanan wicara mawiwit kacorahan saka luwire sinanggeh nungkasin daging Awig-awig, pararem miwah paswaran Desa/Banjar, Prajuru patut digelis mawosin tan nyantos pasadok.
- (2). Sajaba wicara kadi ring ajeng patut nyantosang pasadok sang nunas bawos.
- (3). Panepase patut pastika nyantenang iwang patut malarapan Tri Pramana (saksi, ilikita, bukti) miwah tan maren nepek ring Catur Dresta.

Palet 2

Indik Pamidanda

Pawos 72

- (1). Desa/Banjar wenang niwakang pamidanda ring warga Desa/Banjar sane sisip.
- (2). Paniwak inucap kalaksanayang olih Bendesa/Klian Banjar.
- (3). Bacakan pamidanda luwire :
- ha. ayahan panukun kasisipan ;
 - na. danda arta ;
 - ca. kanorayang ;
 - ra. panyangaskara ;
- (4). Pamidanda sane katiwakang patut masor singgih manut ring kasisipane.
- (5). Jinah utawi raja brana pamidanda ngaranjing dados druwen Desa/Banjar

Pawos 73

- (1). Krama sane langkungan ring awali tigang paruman ngalantur tan nawur urunan miwah dedendan wenang karampag.
- (2). Rerampasan ngangge tata cara kadi ring sor :
 - ha. kalaksanayang olih Prajuru kasarengin olih Krama saakeha tigang diri maka saksi ;
 - na. sang ngarampang sangkanin darsana ngambil barang utawi nyawenin tenem tuwuh, akehnya manut ring utang sang karampas,sang karampag mangda lila nyukserahang barangnya sane dados kaadol ;
 - ca. prajuru/Dulu miteketing mangda barang-barang sane karampas digelis katebus, masengker awuku (7 rahina) ring kutus rahinane pacang wala ;
 - ra. tan nganinin saluwir barang sane patut inggilang manut Agama miwah tan mademang pangupa jiwa sang karampas.

Pawos 74

- (1). Prade sang pacang karampag ngawara (ngalangin) palaksanan inucap mawastu sampun tan nganutin Awig-awig Desa wenang karang Desa sane kagenahin kadaut olih Desane.
- (2). Samaliha yen purun taler ngalangin palaksanan kadi ring ajeng tan wenten pamargi sajawaning kasepekang olih Krama Desane.
- (3). Pamidanda inucap ring ajeng keni buntas risampun sang kakeninin :
 - ha. nunas geng pengampura ring Krama Desa riantukan nguak pasubaya (pararem) pecak ;

na. nawur pangargan panguak pasubayane duk pacang karampag kadulurin pamrayascita panyapsap kaiwangane ring Desa.

**SAPTAMAS SARGAH
NGUWAH – NGUWUHIN AWIG – AWIG**

Pawos 75

- (1). Nguwah-nguwuhin Awig-awig Desa puniki kelaksanayang ring paruman Desa.
- (2). Awig-awig puniki kamargiang ngawit kaingkupin (kararemin).

Pawos 76

- (1). Sakaluwiring sane wenten sederengnya patut kaanutang ring sadaging Awig-awig puniki.
- (2). Sakaluwiring sane durung kabawos sajeroning Awig-awig puniki patut kalaksanayang manut tata cara sane sampun mamargi kadulurin antuk pararem-pararem.

ASTAMAS SARGAH

S A M A P T A

Pawos 77

- (1). Awig-awig puniki karareman duk rahina Redite panan;gal/pang Sanga sasih Kadasa isaka 1924 Tanggal Masehi 5 Mei 2002 ring wantilan Desa Pal raman Tarukan.
- (2). Awig-awig puniki kalingga tanganin olih Bendesa lan Prajuru Pakraman, kasarengin Klian-klian Banjar, saha kasaksinin olih Prajuru Dinas pinaka saksi.
- (3). Luwir sang ngalingga Tanganin :
ha. Kaprathama Prajuru Pakraman :

1). Bendesa

2). Penyarikan

I WAYAN TERIMA

I DEWA KETUT OKA MERTA

- 3). Kelian Tempekan Kelod
- 4). Kelian Tempekan Ter gah
- 5). Kelian Tempekan Kaja

I KETUT LETAS. L

INYOMAN LATRA

DEWA GEDE ARTHA PUTRA

na. Kaping kalih Prajuru Dinas pinaka saksi :

1. Kepala Dusun Tarukan

2. Kepala Desa Pejeng Kaja

I MADE WARTANA

COKORDA GEDE PUTRA KAYANA

3. Camat Tampaksiring

COKORDA GEDE PUTRA PEMAYUN, SH

Mengelahui dan telah dicatatkan

Pada tanggal : 2 Januari 2003
Nomor : 1 Tahun 2003

BUPATI GIANYAR


COKORDA GEDE PUTRA SURYAWAN, SH.